

**ZAPISNIK SA 16. VANREDNA SJEDNICE UO SSR U BHRT-u,  
U MANDATU 2019-2023, KOJA JE ODRŽANA U ČETVRTAK 13.04.2022. GODINE**

**Prisutni:** Damir Smital; Neda Tadić; Džemal Kahrica; Elvis Čengić; Ekrem Agić; Edis Fočo; Sadin Kavazović; Samir Gadžo; Mustafa Baručija; Merima Kurtović Pašalić; Josip Sogović; Mubera Herac; Nihad Arnautović; Dragan Miljević

**Odsutni:** Rifat Kukić – **opravdano**

Mensud Grbo; Omer Bukić – **neopravdano**

Dnevni red:

1. Aktuelna situacija u BHRT-u
2. Skupština

**AD 1.** D.Smital je na osnovu člana 35. Statuta Samostalnog sindikata radnika u BHRT-u, u 13.06. sati otvorio 16. Vanrednu sjednicu UO SSR u BHRT-u. Dnevni red je jednoglasno usvojen

Predsjednik Smital je informisao UO Sindikata da je kolegij sindikata, zajedno sa kolegicom Merimom u proteklom periodu održao niz sastanka sa domaćim dužnosnicima u vezi aktuelne situacije u BHRT-u.

**31.03.** M.Kurtović je prisustvovala sjednici Doma Parlamenta FBiH na kojoj je izglasana rezolucija za deblokadu računa BHRT-a. Prije same sjednice kolegij sindikata je održao sastanak sa predsjednikom NIP-a Elmedinom Konakovićem.

**04.04.** je održan sastanak sa predsjedavajućim Predsjedništva BiH gosp.Šefikom Džaferovićem. Predstavnici sindikata upoznali su predsjedavajućeg Predsjedništva BiH s urgentnim zahtjevima koji se odnose na deblokadu računa Javnog servisa i omogućavanje nesmetanog rada i pristupa transakcijama, koji uključuje i plate zaposlenika BHRT. Također, razgovarano je o širem kontekstu problema na BHRT-u. Uz punu podršku zahtjevima Samostalnog sindikata BHRT-a, predsjedavajući Predsjedništva BiH Džaferović istaknuo je nezamjenjivu ulogu BHRT-a u ukupnom sistemu informisanja i s tim u vezi potrebu nalaženja rješenja.

**05.04.** Predsjednik SDP-a Nermin Nikšić je primio delegaciju sindikata. Tema razgovora bila je aktuelna situacija u ovom javnom emiteru. Predsjednik Nikšić je izrazio nadu da će Porezna uprava uskoro deblokirati račune BHRT-a, kako bi radnicima bile isplaćene zaostale plaće. Obećao je i pomoć u trajnom rješenju pitanja finansiranja BHRT-a, koji je oduvijek bio jedan od stubova bosanskohercegovačkog društva i države.

**06.04.** je održan sastanaka sa generalnim direktorom i sa direktorom BHT-a na kojem su iznijeti zahtjevi sindikata u vezi programa i praćenja rada sindikata i aktuelne situacije u BHRT-u. Istog dana je održan sastanak sa zastupnicom Saveza za bolju budućnost u Predstavničkom domu Federalnog parlamenta Sanelom Prašović-Gadžo. Razgovarano je o važnosti deblokade računa BHRT-a, izmjeni Zakona o izvršnom postupku, kao i o tome da se mora pronaći način stabilnog funkcioniranja ovog Javnog servisa.

**08.04.** je održan sastanak sa zamjenikom ministara prometa i komunikacija Nedžadom Brankovićem nakon kojek je prosljeđen i prijedlog izmjene zakona od strane sindikata.

**11.04.** je održan sastanak predstavnika sindikata i Kluba poslanika SDA u Predstavničkom domu PS BiH. Predstavnici SSR u BHRT-u su upoznali poslanike o problemima radnika BHRT-a i mogućim, kratkoročnim i dugoročnim, rješenjima stabilnog finansiranja BHRT-a, što je jedan od uslova za prijem BiH u EU.

Članovi Kluba poslanika SDA su upoznali sindikalne predstavnike o sadržaju inicijative koju su pripremili za slijedeću sjednicu Predstavničkog doma PS BiH i dali punu podršku radnicima BHRT-a na ostvarenju njihovih zahtjeva. Također su izrazili opredjeljenje da Bosna i Hercegovina mora imati svoj nezavisan i finansijski stabilan Javni servis i da će učiniti maksimalan napor da se to i ostvari.

Istog dana 11.04. održan je sastanak sa generalnim direktorom BHRT-a i pomoćnicom za razvoj u vezi pitanja isplate zaostale plate i plana isplate dugovanja prema radnicima. Tada je rečeno da menadžment prikuplja pare za isplatu potraživanja prema radnicima. Kako je rečeno na sastanku, menadžment razmišlja da se kupon za prijevoz ne isplati ovog mjeseca umjesto u julu kako je to praksa u proteklim godinama. Na istom sastanku je rečeno da menadžment razmišlja o isplatu minimalne plate radnicima.

Nakon kraće rasprave, UO je jednoglasno usvojio prijedlog dopisa prema menadžmentu u kojem između ostalog stoji: **Samostalni sindikat radnika u BHRT-u odbacuje bilo kakvu pomisao menadžmenta na isplatu minimalne plate u BHRT-u.**

**Ovakav potez menadžmenta, kao „nagradu” radnicima za svo njihovo strpljenje i rad na spasu BHRT-a, smatramo krajnje neprihvatljivim.**

**Uz sve ovo želimo dodati da isplata minimalne plate svim radnicima BHRT-a, nema nikakvo pravno utemeljenje, niti u Zakonu o radu u institucijama BiH, niti u aktima BHRT-a.**

**13.04** Sanela Prašović-Gadžo je zajedno sa Irfanom Čengićem uputila Zakon o izvršnom postupku u parlamentarnu proceduru FBIH. Sindikat je dobio dopis od RTVFBiH u vezi prikupljanja takse na području Brčko distrikta. D.Smital je tražio informaciju od generalnog direktora u vezi ovog dopisa. Dostavljeni su sindikatu sporazumi direktora sva tri javna servisa iz 2005 i 2009. godine u kojem je dogovoreno da na području Brčko distrikta taksu prikuplja RTRS i RTVFBiH obzirom da su tada taksu prikupljali telekom operateri.

**AD 2.** Na poziv UO Sindikata za predsjednika sindikata su se prijavili Ljubiša Davidović, Amir Džidić i Elvis Čengić. Na osnovu informacije od strane izvršnog sekretara, Upravni odbor je konstatovao da sve kandidature ispunjavaju uslove iz poziva. S obzirom da su kandidati za predsjednika, sadašnji predsjednik Skupštine i član UO iz Podružnice RTV Produkcije, zbog efikasnijeg rada Skupštine, UO je usvojio zaključak da se skupštini dostavi prijedlog novog dnevnog reda:

1. Imenovanje verifikacione komisije, radnog predsjedništva, zapisničara i ovjerivača zapisnika
2. Usvajanje zapisnika sa 6. redovne Skupštine
3. Usvajanje Izvještaja o radu UO za 2021.
4. Usvajanje Finansijskog izvještaja SSR u BHRT-u za 2021.
  - Izvještaj Nadzornog odbora
  - Finansijski izvještaj
5. Usvajanje Programa rada sindikata za 2022.
6. Razrješenje i izbor predsjednika sindikata
7. Razrješenje i izbor potpredsjednice sindikata
8. Razrješenje i izbor člana/članova Upravnog odbora sindikata
9. Razrješenje i izbor predsjednika Skupštine sindikata
10. Odluka o razrješenju i imenovanju organa sindikata
11. Razno

Ukoliko E.Čengić bude izabran za predsjednika sindikata, biraće se 2 člana UO iz Podružnice RTV Produkcije.

Ukoliko bude izabran A.Džidić za predsjednika sindikata, prijedlog UO za predsjednika skupština sindikata je D.Smital.

Ukoliko ne bude izabran A.Džidić za predsjednika sindikata, tačka 9. se skida sa dnevnog reda.

Odluka o razješenju i imenovanju organa sindikata stupa na snagu 21.04. 2022.

Podružnica RTV Produkcije je dužna dostaviti imena 2 kandidata za mjesto člana UO.

Članovi verifikacione komisije će podijeliti dodatni materijal delegatima.

D.Smital je zamolio da se kontaktiraju svi delegati koji dolaze iz drugih gradova kako bi se pripremili i obezbjedile naknade/dnevnice za sve njih.

D.Smital je zaključio 16.Vanrednu sjednicu u 13.46 sati.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital